

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02/5-1- 02-6468/18
Datum: 20.09.2018. godine

MUP KANTONA SARAJEVO
n/r ministra

PREDMET: Stručno mišljenje i upute za primjenu odredbi Zakona o policijskim službenicima Kantona Sarajevo – traže se;

Članom 124. i 125. Zakona o policijskim službenicima Kantona Sarajevo („Sl. novine Kantona Sarajevo“ br. 38/18), propisano je da nadzor nad provođenjem ovog zakona i podzakonskih akata koji se donose na osnovu ovog zakona vrši Ministarstvo, te da nadzor predstavlja davanje stručnih mišljenja, uputa, dostavljanje izvještaja i drugih radnji koje se odnose na provođenje ovog zakona i podzakonskih akata koji se donose na osnovu ovog zakona.

S tim u vezi, molimo da date stručno mišljenje i uputu u pogledu primjene odredbi člana 123. navedenog Zakona, kojim je propisano da se poseban staž iz Zakona o penzijskom i invalidskom osiguranju u jednostrukom trajanju uračunava u staž osiguranja za policijskog službenika iz člana 122. stav (1) ovog zakona, samo uz pismenu saglasnost lica na kojeg se ta saglasnost odnosi. Naime, nejasno je da li se navedeni staž odnosi samo na policijske službenike koji su kao uposlenici organa unutrašnjih poslova uzeli učešće u pripremama za odbranu BiH, odnosno u odbrani BiH, ili na sve policijske službenike koji su u periodu od 18.09.1991. do 23.12.1995. godine, uzeli učešće u pripremama za odbranu BiH, odnosno u odbrani BiH kao pripadnici Armije Republike BiH, odnosno Hrvatskog vijeća odbrane i organa unutrašnjih poslova. Nadalje, nejasno je na koji način postupati sa licima koja odbiju dati saglasnost da im se navedeni staž uračuna kao staž osiguranja u jednostrukom trajanju, da li u tom slučaju navedeni staž brisati iz kadrovskih evidencija, ako je isti proveden kao radni staž.

Imajući u vidu da se prema članu 23., 24. i 30. Zakona o penzijskom i invalidskom osiguranju („Sl. novine Federacije BiH“ br. 13/18), pod stažom osiguranja podrazumijeva staž osiguranja sa efektivnim trajanjem i staž osiguranja sa uvećanim trajanjem, za koji je uplaćen doprinos, molimo mišljenje i uputu u pogledu uplate doprinosa za poseban staž koji bi se uz saglasnost policijskog službenika uračunao u jednostrukom trajanju u staž osiguranja, te ko je obveznik uplate ovih doprinosa i na koji način bi se isto realizovalo. Također, nejasno je i da li se za navedeni staž imaju računati i beneficije, odnosno ovaj staž tretirati kao staž sa uvećanim trajanjem za lica koja su navedeni staž ostvarili kao pripadnici organa unutrašnjih poslova, obavljajući poslove ovlaštenog službenog lica, te s tim u vezi i izvršiti uplatu pripadajućih doprinosa za isti.

21.09.2018

Nadalje, članom 118. stav (1) tačka h) propisano je da radni odnos policijskog službenika prestaje u slučaju prekobrojnosti policijskog službenika, dok je tačkom m) propisano da radni odnos policijskog službenika prestaje kada je konačnom odlukom nadležnog organa utvrđeno postojanje sigurnosne smetnje za pristup tajnim podacima u skladu sa Zakonom o zaštiti tajnih podataka. Članom 77. stav (1) tačka c) propisano je da prekobrojnost policijskih službenika nastaje kada je konačnom odlukom nadležnog organa utvrđeno postojanje sigurnosne smetnje za pristup tajnim podacima u skladu sa zakonom koji reguliše oblast zaštite tajnih podataka, a u stavu (2), (3), (4) i (5) istog člana propisana je procedura prekobrojnosti. S tim u vezi, molimo stručno mišljenje da li u slučaju kada je konačnom odlukom nadležnog organa utvrđeno postojanje sigurnosne smetnje za pristup tajnim podacima u skladu sa Zakonom o zaštiti tajnih podataka, radni odnos prestaje po sili zakona primjenom odredbi člana 118. stav (1) tačka m) ili je potrebno provesti postupak prekobrojnosti propisan članom 77., pa radni odnos prekinuti primjenom člana 118. stav (1) tačka h) ukoliko policijski službenik bude proglašen prekobrojnim.

Molimo za hitnost u postupanju kako bismo naprijed navedene odredbe Zakona o policijskim službenicima Kantona Sarajevo ("Sl. novine Kantona Sarajevo" broj: 38/18) koji stupa na snagu dana 21.09.2018. godine, mogli ispravno primijeniti.

POLICIJSKI KOMESAR
Generalni inspektor policije

Halilović Mevludin

